

Pages vaudoises

Autor(en): **[s.n.]**

Objektyp: **Group**

Zeitschrift: **L'ami du patois : trimestriel romand**

Band (Jahr): **14 (1986)**

Heft 53

PDF erstellt am: **06.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Pages vaudoises



ASSOCIATION VAUDOISE DES AMIS DU PATOIS



L'è lo 19 d'avrî 1986 qu'onna balla tropa de patoisan vaudois sè sant retrovâ à l'auberdzo de La Poûsta à Fey po la tenâbllia dâo salyî, dan l' "assemblée générale". On sè crâyâi dè trovâ lè pommâi clliorî pè lo Grô dè Vaud, bernique ! L'ètant bin bî bllian mâ, l'îre la nâi ! Apri on bon frecot qu'a ètâ servi pè onn'Auvergnate de "recetta" quemeint diant noûtrè z'ami frebordzâi, la presideinta l'a bin remachâ et fèlicitâ tî lè

meimbro dâo comitâ, que sant dâi dzein de teppa qu'âovrant tot dâo long po mantenî la vilje leinga : Monsu Maurice Bossard qu'on pâo accutâ tî lè deçando su "Espaces 2" du 13 hâorè 30, la segrètéra S. Baudère et la bossîre M. Leresche, P. Burnet que prepare on lâivro et vouârde lè z'archive, F. Dâoboû que va adî gaillâ ein-an maugrâi que l'è pe rein de sti matin. M.-L. Perrey, monitrice de dances, que no z'a accompagnî à Sierro avoué sa tropa de grachâose et de grachâo.

Po quant à cein qu'on fâ ? Dâi mouî de tsouse : lo patois a sa pllièce âo martsî de Mezîre, tî lè mâi, lo sècond deçando. On a recordâ lo patois à Chailly, St-Prex, Corseaux, Forel tandu l'hivè. Lâi ein a que preparant dâi laivrotet ein patois. Lo 12 de djuin no volyein modâ po lo Payî d'Amont, Château d'Oex, po fére noûtra veryâ.

Ao comitâ l'a falyu nommâ on novî meimbro du que M.-L. Perey dèmechoune po pouâi mî recordâ à tsavon. L'è Monsu Pierro Devaud, de Gryon, que l'a ètâ nommâ. L'è on dzouveno que farâi on bî Gueliôme Tè se lâi avâi falta ! Et pu trétî l'ant passâ onna galésa vêprâ à contâ, à tsantâ, à sè rècriâ avoué dâi z'ami dâi z'einveron qu'ètant toto èbahî de vère que lo patois vaudois l'è oncora bin vedzet !

M.-L. G.

AMICALE DES PATOISANTS DE SAVIGNY–FOREL

Le 17 du mois de mai 1986, plus d'une quarantaine de membres de l'Amicale ont tenu leur assemblée à l'Auberge des Alpes à Savigny. Le président Reynold Richard qui était malade lors de l'assemblée du mois de février était tout guilleret pour souhaiter la bienvenue à tous, ainsi qu'une bonne après-midi.

Il faisait un bien joli temps et de nouveau un peu chaud et ainsi les amis étaient contents, joyeux et c'était tout plaisir de se revoir pour les amoureux du vieux langage.


Le président lit une adresse à Madame Ida Monachon, de Puidoux, pour la nommer membre honoraire de notre Amicale et la féliciter, ayant atteint le bel âge de 91 ans et suivant fidèlement les assemblées; alors il lui remet une petite attention : elle est acclamée chaleureusement par l'assemblée.

Puis le président lit une lettre d'invitation pour aller fêter l'anniversaire de Madame Elisabeth Sallaz, pensionnaire à la Fondation Boissonnet, qui prend ses 90 ans et sera également nommée membre honoraire de l'Association vaudoise des Amis du patois à cette bonne occasion. Quelques amis se sont rendus à cette invitation et ont entendu les bonnes paroles du directeur adressées à Madame Sallaz, de même que celles d'un délégué de la municipalité de Lausanne qui lui a remis le cadeau traditionnel que tous les nonagénaires reçoivent de la commune; elle a donc été fêtée magnifiquement et fleurie abondamment.

La sortie de l'Amicale aura lieu le mardi 24 juin pour aller jusqu'à L'Auberson visiter le musée des anciennes musiques puis dîner à la Brévine, une grande et belle virée.

L'Amicale fribourgeoise " Lè Triolè " a envoyé une invitation pour son assemblée du mois de mai à Bonnefontaine.

Comme de coutume, notre partie familière a été fournie en chansons, contes et fariboles en patois pendant l'après-midi, si bien que le temps a passé vite et, après une dernière chanson, le président a suspendu la séance. Nos meilleurs vœux aux amis malades ou qui ne peuvent se déplacer et nos cordiales salutations aux amis patoisants romands.



FD

AMICALA DAI PATOISAN DE SAVEGNY FORI



Lo 17 dâo mâ de mâi 1986, mé d'onna quarantanna de meinbro de l'Amicâla l'ant z'u lâo tenâblya à l'Auberdzo dâi z'Alpè à Savegny. Lo presideint Reynold Richard qu'êtâi malâdo à la tenâblya dâo mâ de fèvrâ l'êtâi tot revedzet po sohitâ la binvegnâita à tré tî ein lâo cooseint 'na bouna véprâ.

Fasâi prâo galé tein et pu remé on bocon tsaud et adan lè z'ami l'êtant conteint, dzoyâo et l'êtâi tot plliésî de sè revère po lè z'amouâirâo dâo vîlyo dèvesâ.

Lo presideint lyè dan onn'adresa à Dama Ida Monachon, de Pouèdâo, po la nommâ meimbro honoréra et pu la fèlicitâ du que l'a z'u 91 an et pu que l'è onna tota fidéla âi tenâblyè, et adan lâi remet onna petioût'atteinchon; l'è dan acclamâie fermo pè l'asseimblyâie.

Pu lo presideint lyè oncora onna letra d'invitachon po allâ fitâ l'anniverséro de Dama Elisabeth Sallaz, peinchounéra à Boissonnet, que preind sè 90 an et que sarâ asebin nommâie meimbra honoréra de l'Association vaudoise dâi z'Ami dâo patois à sta boun'ocajon. Quauquè z'ami lâi sant z'u et l'ant pu oûre lè bounè parolè dâo diretteu à Dama Sallaz, de mîmo que stâosse d'on dèlègâ de la municipalitâ de Lozena que lâi a remet lo preseint que tî lè nonagènéro reçaïvant de la coumouna; l'a dan ètâ fitâie âo pecolon, permi lè botiet de cliâo.

La salyâita de l'Amicâla sè farâ lo demâ 24 dâo mâ de djuin po allâ tant qu'à l'Auberson vesitâ lo musé dâi vîlye musiquè et pu dinâ à la Brévina, onna pucheinta et balla veryà.

L'Amicâla frebordzâisa "Lè Triolè" l'a einvouyî onn'invitachon po sa tenâblya dâo mâ de mâi à Bounafontanna.

Coumeint de coutema, noûtr'eimpartyâ famelyîre l'a ètâ fourniâ ein tsanson, conto et gouguenettè tandu la véprâ, adan lo tein l'a passâ rîdo et lo presideint l'a cliioû sta tenâblya aprî onna derrâire tsanson. Adan, noûtrè meillâo voeu âi z'ami que sant malâdo âo que pouant pas sè dèplyècî. Et pu noûtrè cordialè salutachon âi z'ami patoisan remand.

F. Dx



Vèya dou "Botyè a Tobì"

1 dè mâ 1986

Rèstoran dou Rivâdzo

Vevè

Krêyo ke vo j'é dza de ke din nouthra chochyètâ, no j'an pâ dè kà-mixte, nè groupèmin dè danthè, nè mujika. L'è pochin ke no j'an pâ la pochibilitâ

dè bayi on "concert" a nouthrè minbro è a nouthrè j'èmi. Arê, no fan ti lè j'an na marinda, ma tyinta marinda! On menu dè rê! On boun'apèrô "Vermouth-cassis", invinyon dou chanoine Kirr dè Djijon, l'a j'ou le povê dè no gatoyi la channa (l'oesophage) è, dinche, ourâ le pachâdzo to gran, l'intrâye dè nouthr'n'èchtoma in-aterin tota ha medzaye ragotinta k'on bon rodzo rèdzoyivè.

Ma, fô pâ moujâ tyè a la medzaye. Che vo dejé "N'kô l'a de ke l'omo chè nurethè pâ tyè dè pan" vo mè derâ ke chu on rènitàn.

Ouna bouna chouyeournè pè le dèchè. E bin! No j'in d'an j'ou mé tyè yon, dè dèchè. D'abôr le dichkour ke no j'an j'ou le pyéji d'oure. Dè chi patê chavouryâ de La Rotse ke vo bayè l'ivouè a la botse. E, chin, i rimè pè dèchu le martchi. Vouê, Francis Brodâ, prèjidan de la Chochyètâ kantonale di j'èmi dou patê fribordzê, in konpani dè cha tota grahyâj'èpâja, no j'a intrètsantâ pè chè parolè ke vinyon to drê atan dè ch'n'èchpri tyè dè chon kâ. Pu, apri chin, di j'inkoradzèmin no chon j'ou adrèhyi pè Maurice Berset, prèjidan de la Chochyètâ di Fribordzê dè Lojena, chochyètâ dotâye d'on kà-mixte è dè dou groupèmin dè tèâtre: "Le Masque" è Lè Grahyâ. Djuchtamin, hou Grahyâ l'an dzuyê dèvan no è po nouthron gran pyéji la dêrire dè Francis Brodâ: "Le roubati".

Vo j'in dyo rin dè pye tyè dè pâ tru dèvejâ mimamin ch'on krê ke li-a nyon outoua dè chè por achoroyi. No no chin vretâbyamin roubatâ dè rire è chin no bayè inke l'okajyon dè fèlichitâ l'ôteu, lè j'akteu è ha ke lè ridzè, Mma Dâhyon.

A l'an ke vin, no no rèdzoyin dza.

R. Chudan